

Kedah sedia RM640j atasi masalah bah

➔ Projek RTB dijangka siap sepenuhnya Jun tahun depan

Oleh Suzalina Halid
suzalina@bh.com.my

Alor Setar

Rancangan Tebatan Banjir (RTB) Sungai Kedah/Anak Bukit, di sini, dijangka menyelesaikan masalah banjir di bandar raya ini apabila ia dijadualkan siap sepenuhnya Jun tahun depan.

Pengerusi Jawatankuasa Kerajaan Tempatan, Perumahan, Bekalan Air, Sumber Air dan Tenaga negeri, Datuk Badrol Hisham Hashim, berkata projek yang menelan kos sebanyak RM640 juta memabatkan tiga pakej itu, kini sudah siap 70 peratus.

Katanya, ia mampu mengurangkan masalah banjir sehingga 50 peratus di tiga daerah membabitkan Kota Setar, Jitra dan Pokok Sena. Bandar raya Alor Setar berada dalam daerah Kota Setar dan antara kawasan yang sering mengalami banjir adalah Anak Bukit, Titi Gajah, Kepala Batas dan sekitar Taman PKNK.

“Melalui projek ini, kerajaan akan membina lencongan Sungai Baru sepanjang 12.6 kilometer (km); menaik taraf Sungai Anak Bukit sepanjang 1.75 km dan membina dua jambatan.

“Projek ini juga berupaya memberi perlindungan kepada penduduk daripada risiko tempoh ulangan (ARI) selama 50 tahun dan



Badrol Hisham (tengah) menaiki bot menyusuri Sungai Kedah ketika melawat projek tebatan banjir Sungai kedah dan Anak Bukit, semalam.

mengurangkan bilangan pemindahan penduduk akibat banjir daripada 63,000 kepada 33,000 orang,

“Kerajaan tidak mahu bencana sama berulang seperti yang berlaku pada tahun 2010 menyebabkan sekurang-kurangnya 66,000 rumah dan 9,000 hektar sawah padi terjejas,” katanya di sini, semalam.

Naik taraf Sungai Baru

Terdahulu, Badrol Hisham membuat lawatan ke tapak kawasan RTB Sungai Kedah/Anak Bukit dengan menyusuri Sungai Anak Bukit bermula dari Tanjung Chali ke Jambatan Sultanah Bahiyah.

Mengulas lanjut mengenai RTB itu, Badrol Hisham berkata, pakej

Fakta
nombor

RM350 JUTA

Rancangan Tebatan
Banjir Sungai Pendang

RM45 JUTA

Rancangan Tebatan Banjir
Bandar Jitra Selatan

pertama memabatkan naik taraf Sungai Baru yang mengambil masa selama 16 bulan, siap pada Oktober 2012.

Katanya, pakej kedua pula memabatkan pembinaan lencongan Sungai Baru dan menaik taraf Sungai Anak Bukit yang kini siap sebanyak 71 peratus,

“Pakej ketiga pula, menaik taraf Sungai Tanjung Pauh dan dua terusan milik Lembaga Kemajuan Pertanian Muda (MADA) dijangka selesai pada Jun 2018.

“Kita juga akan melaksanakan projek sama di Sungai Pendang, Bandar Jitra Selatan, Bandar Changloon dan Baling dengan kos keseluruhan sebanyak RM1.5 bilion,” katanya.